

AMOSI

Amosi e porofete gie-ticne i jara 784-746 B.C. dameŋ gonder ira bahuc juwec. I Usijazi Judanji jaŋere ɲicwofuŋ juha, â Jeroboam II eki Israe ɲicguru jaŋere ɲicwofuŋ juhame bawec hâcne. Amosi e juwicnao porofete gie funkerâ mi bawecko lama soŋaŋ juhuc nemuja â jâmbôjâc sasara gie bajuŋec. E porofete mocte motec me wosâekicne mâcne, lama soŋaŋ hâcne juhame Anutu e jahac porofete gie-ticnere bazawiewec. Ehuc ɲunqâhâŋ bocjaha ecnehuc hawari wiac fugne fuŋne âzâcne jâutuc ewec. E iŋuc ecnehuc Amosi maŋne baafecckeme gie-ticne Wofuŋte micte funkerâ bawec. Erâ e porofete jaŋe jaŋac porofete â findaŋdâŋ-jeŋic qâreŋ-kembij irec fufuŋke ɲic hâcne.

Porofete gie-ticne i Samaria hae qizecko funkerâ bawec mecne. Ehuc Israe ɲic jaŋe uŋ sawaŋ ejarehuc juwec. Israe ɲic jaŋe dameŋ ira zika qahuc mâreŋ gâcne ro rauc erâ sindaŋ fuŋne fuŋne ehuc moner mafa bocjaha hurehuc jumbiŋ. Ehame mafa wiac qâfoŋne fojare-bipieha hapetac â qarâ suriŋnefâc-jeŋic hone takirec-jopahuc hone bafic moc mi ejarembij. Jaŋe hobi â sahaç-jeŋicte sawa manasuhuc Wofuŋte taha bâzi ririke â hae mâreŋ furu mukicne ira rara i sahaczia sawa ejumbien, maŋjeŋic ine Wofuŋte mocwaç mi râepie domawec. Irec Wofuŋ e jahac taha bâzi ririke hae â alata wiac-jeŋic i ima baocce manasuhuc porofete dâŋ âzâcnewec, erâ Israe ɲic ɲokac irec uŋ sawaŋ ejareocce soreme rawec.

Erâ e Samaria haeo sawa mâcne, Bete haeo gie-ticne mâmâc bawec. Bahuc juhame taha bapa sâkozi mana gâpâreçnehuc Israe mâreŋkonec jâpeme e jahacne hae mâreŋko risiewec. Bete hae i Israe ɲicwofuŋte furu hae, qâŋufuŋ-ticne i hae ira hâcne ɲewec.

Amosi papia-ticne bâfâuckepene dâkâne jahec â moc fuakac.

Dâkâne 1, ɲaŋ 1-2. Irec maŋnao dâŋ kecziŋuc forakac: ɲic gurune gurune Anuturaonec okacne fua-jareocmu irec findaŋdâŋ, â Juda â Israe ɲic jaŋere uŋsawaŋ dâŋ.

Dâkâne 2, ɲaŋ 3-6. Ira ine Israe ɲic fuŋne weniguçte Anuturaonec okacne fisi-jareocmu irec dâŋsâko jahec â moc fokac.

Dâkâne 3, ɲaŋ 7-9. Irec maŋnao ine Amosizi hawari wiac 5 fuapie honec-jopawec irec dâŋ fokac.

Hawari 1. Hâpic hâhâwicne fuaocmu.

Hawari 2. Ȝocsâkozi fuarâ zacjopa-fâreocmu.

Hawari 3. Wofuŋte maŋuruczi taraocmu irec sâsâc.

Hawari 4. Sasac jâchândâŋ qeucnehec i Israe ɲicguru dameŋ-jeŋic maickeocmu irec sâsâc.

Hawari 5. Taha ufuŋ-jeŋic tâtieocmu irec sâsâc. Moczi okac dameŋ sâcne moc mi wisecneocmu.

Papia tataranao ine Mesia fufuare findaŋdâŋ moc fokac. Amosi papia-ticnere dâŋqizecne moc kecziŋuc fuame honengopenen: Anutu râpeckehuc râsi ecneengopien me dâŋticne qataraengopien ɲic i jaŋe okac dameŋko bâsirowec-jopa-fâreocmu.

ɲicguru gâcne okacne fisi-jareocce mukicne

1 Tekoa haeonec lama soŋaŋ jumbiŋ jaŋeraonec ɲic moc zâŋene Amosi ere dâŋ ziŋe hâcne. E maŋzâŋene tâcneme Israe ɲic jaŋerao wiac fuaocmu i honewec. Eme jufehapie jara 2 tarame homeŋ sâko bawec. Ine

Uzizjazi Judanjic jaŋere ŋicwofuŋ juwec, â Jeroboam, Jehoasire ŋokâ hâcne, eki Israere ŋicwofuŋ juwec dameŋ ira wiac i honewec. ²Ehuc kecziŋuc muwec:

“Wofuŋ owa-ticnere fânâŋ Zioŋkonec warekac,
â Jerusalem haeonec marac fânâŋ-ticne fisikac;
ehame lama jaŋere kecqanŋi qaŋa ururuc ekac,
â Karamele tiki botâŋnao jâc wiac sasawa
hâmo qanŋaraŋ efârekac.”

³Wofuŋzi kecziŋuc mukac:

“Damasko hae rune jaŋe sindaŋnezi sindaŋne bâfuambiŋte
no okacne bazu-jarezo mupo, dâŋ i mi hetâtiepemu,
jaŋe aen keretac sâqe micneheczi
Gileade mâreŋ rune sipiric-jopambiŋte.

⁴No irec hâcne ŋicwofuŋ Hazaele fic hae-ticne turuŋkepe zazejec,
ehuc ŋicwofuŋ Beŋhada ere ficsanaŋ wiac zâseŋkezejec.

⁵No Damasko haere motâc babasanaŋ qazupemu,
ehuc Aweŋ wâneŋte ŋecjuçfâcne qâmiziec-jopapemu,
erâ Bete-Edeŋkonec ŋicwofuŋ gunu bajuekac
e iŋuc jaha qape omaeocmu.

Ehame Siria mâreŋ rune jaŋe
Kiri* mâreŋko kâpâcwârû ficko raniŋmu.”
Wofuŋte dâŋ iŋuc.

⁶Wofuŋzi kecziŋuc mukac:

“Gaza hae rune jaŋe wiac sindaŋnezi sindaŋne bâfuambiŋte
no okacne bazu-jarezo mupo, dâŋ i mi hetâtiepemu,
jaŋe ŋic ŋokac naru motec furu jaha

Edomŋic jaŋere meo râec-jopambiŋte
kiŋaŋ qaqaçfâc-jeŋic bacjopa jumbiŋ hâcne.

⁷Eme no irec hâcne Gaza haere sac turuŋkepe
zahuc ficsanaŋ-ticne ŋerakac i zâseŋkezejec.

⁸Erâ no Asidode ŋecjuçfâc-ticne jaŋe mecne,
â Asikalon haere ŋicwofuŋ gunu bajuekac
e mâmâc bâsirowec-jopaŋemu.

No Ekoron ŋic râsi ejarepemu,
ehame Filisa ŋic nâfocne juŋgopien
jaŋe wâc siroweniŋmu.” Wofuŋ Anuture dâŋ iŋuc.

⁹Wofuŋzi kecziŋuc mukac:

“Tiro hae rune jaŋe wiac sindaŋnezi sindaŋne bâfuambiŋte
no okacne bazu-jarezo mupo, dâŋ i mi hetâtiepemu,
jaŋe ŋic ŋokac naru motec furu jaha

Edomŋic jaŋere meo râec-jopahuc,
âgo zâzâfic-jeŋic fowec irec mi manasumbiŋ.

¹⁰No irec hâcne Tiro haere sac turuŋkepe
zahuc ficsanaŋ-ticne ŋerakac i zâseŋkezejec.”

*Kiri i Siria mâreŋte dâkâne moc.

¹¹ Wofunzi kecziñuc mukac:

“Edomñic jañe wiac sindağnezi sindağne bâfuambiñte
no okacne bazu-jarezo mupo, dâñ i mi hetâtiépemu,
jañe qomâfâc-jenñic busâqoc moc mi mana-jarehuc
zikazi jopa jâpec ejarembiñ,
ehuc kimbenj aaric-jenñic sakarehuc rañqa rañqa bajumbiñ.

¹² No irec hâcne mupe zoczi Temañ mâreñko fuarâ zazejec,
ehuc Bozera haere ficsanañ zâseñke-fârezejec.”

¹³ Wofunzi kecziñuc mukac:

“Amonñic jañe wiac sindağnezi sindağne bâfuambiñte
no okacne bazu-jarezo mupo, dâñ i mi hetâtiépemu,
jañe mâreñ-jenñicte ma bâsokaniñte
Gileade haeo ñokac kiwechec jumbiñ
jañe mi akic-jopahuc bujenñic hefâuckembij.

¹⁴ No irec hâcne Raba haere sac turuñkepe zazejec,
ehuc ficsanañ-ticne i zika qahuc añara hehapié
zâzâkiriñ mângânzi tâpirihec ficneme zâseñke-fârezejec.

¹⁵ Ehame ñicwofun-jenñic e fekicnefâc-ticne jañehuc
mâmâc kâpâcwâru ficko bacjopa raniñmu.”
Wofunñtao dâñ iñuc.

2 Wofunzi kecziñuc mukac:

“Moabi ñic jañe wiac sindağnezi sindağne bâfuambiñte
no okacne bazu-jarezo mupo, dâñ i mi hetâtiépemu,
jañe Edom ñicwofunñ siec-ticne zocko râepie
zahuc huc iñucne duñtowec.

² No irec hâcne mupe Moabi mâreñko zoc fuarâ zazejec,
ehuc Kerioti hae ficsanañ-ticne zâseñke-fârezejec.

Ehame Moabi ñic jañe qeñ dâñehame
zikare fânân â miczonzonñ irec mañnao hâmonzepien.

³ Eme no ñonden-jenñicko guriñ bapa ñic jukac
e bâsirowehuc fekicnefâc-jenñic ehuc mâmâc qâhâmoc-jopapemu.”
Wofunñte dâñ iñuc.

⁴ Wofunzi kecziñuc mukac:

“Judañic jañe wiac sindağnezi sindağne bâfuambiñte
no okacne bazu-jarezo mupo, dâñ i mi hetâtiépemu,
jañe Wofunñ nore sâcmutâc dâñ qâsuahuc
dâñsanañ-nane mi reñkembij,
ehuc mamacfâc-jenñic jañe nemu wiac burecne bâjâpec-jopahuc
jumbiñ
nemu izi hâcne eatuc-jopapie qâsoriembij.

⁵ No irec hâcne mupe Juda mâreñko zoc fuarâ zazejec,
ehuc Jerusalem ficsanañ-ticne zâseñke-fârezejec.”

Israe ñic jañere okacdân

⁶ Wofunzi kecziñuc mukac:

- "Israe ȝic jaȝe wiac sindagnezi sindagne bâfuambinȝe
no okacne bazu-jarezo mupo, dân i mi hetâtiepemu,
jaȝe ȝic tinȝe monenȝe erâ qikin-jopaenggopienȝ,
â ȝic tac qararacne kikehuhure erâ beheç-jopaenggopienȝ.
- ⁷ Jaȝe ȝic qarâ surinȝe ro waha âte ejareenggopienȝ,
ehuc qoro tutucnefâc-jenȝic qaisoc-jopaenggopienȝ,
ehame mame ȝokâ jaȝe naru ȝokac mocjaha erao rahuc
tiri zâȝe-nane wâwânânȝ ecneenggopienȝ.
- ⁸ Jaȝe ȝaqi qoruc hotâ jowac rorâ bajuhuc
alata sasawa manfun-jenȝicko rumackerâ foenggopienȝ,
erâ ȝic ȝâcnezi kin babatara monenȝ râepie
izi wainȝ opâ furine barâ Anutu-jenȝicte ficko nâenggopienȝ.
- ⁹ "Noni hâcne bânie-ȝarehuc Amori ȝic bâsirowec-jopapo,
jaȝe jâmâzâc jâc iȝucne ȝic zoricne,
â sasananȝ-jenȝic i bonejâc irec sâc;
eme no sifu faic tieȝnao hândânȝe fuawec
â juwic ȝâtâne sicneme huwec
i mâmâc bâsirowe-fârepo.
- ¹⁰ Erâ Amori ȝic jaȝere mârenȝ ro rauc eninȝe
nonizia wâc Aigita mârenȝkonec batarac-ȝoparâ
mârenȝ sawao jowac-ȝopa warehuc juhape
jara 40 tarawec.
- ¹¹ Erâ nonizia ȝokâfâc-jenȝic jaȝeraonec ȝâcne porofete juninȝe
bâwosâec-jopapo,
â ȝicmotecfâc-jenȝic jaȝeraonec ȝâcne
Anutu nore binȝe jusananȝkeninȝe bâtiric-jopapo.
O Israe ȝicburenȝ, no iȝuc moc mi epo me?"
Wofunȝe dân iȝuc.
- ¹² "Ȧȝe ine ȝic bâtiric-jopakicne jaȝe wainȝ opâ gumeç-jopambinȝ,
ehuc porofete zinȝuc jazambinȝ,
'Ȧȝe findanȝdân.mi munzepienȝ.'
- ¹³ "Mananggopienȝ, mârenȝ âteenggopienȝ
i noni mupe qirinȝ qaocmu,
ine keretaczî mafa sâko derâ
hewic qâwic ehuc raekac irec sâc.
- ¹⁴ Eme kike afec juekaczî wiserâ raocte sifu eipieocmu,
â sasananȝheczi tâpiri basaocmu,
erâ momori ȝic e juju-ticne sâcne mi ȝezickeocmu.
- ¹⁵ Tepeȝic e sananȝkerâ sâcne mi domaocmu,
â kike afeczî sâcne mi wiseocmu,
erâ becâsicko rara ȝic e juju-ticne sâcne mi ȝezickeocmu.
- ¹⁶ Ehame ȝic momori wânzânȝ jaȝeraonec hâbihec juekaczî
zoanȝ ira zikare wiac-ticne beherâ metarinȝ wiseocmu."
Wofunȝe dân iȝuc.

Porofete gie-ticnere dân

3 O Israe gic guru sâc, Wofunzi ñogere zinguc mukac: Aigita mâren-konec batarac-ñoparâ jowac-ñopa warepo ñogere okacdân keczinguc bajukopac i mupe mananiñ:

²“Mârenko gic gurune gurune jurangopien
jañeraonec ñoge sawa rowosâec-ñopapo,
irec no hehesic-ñegic sasaware erâ bâtiñ-ñopapemu.

³“Ñic jajaheczi muc manac mi ehuc
hata wirec sâcne ranicmu me?

⁴Me laiong moczi kâteo qowi mi kihuc
owa sâko sâcne eocmu?

Me laiong motec qârizi qowi mi bâfuarâ
qânâ hawec-ticnao fohuc dângeocmu me?

⁵Me mârenko bitiñ mi foha wipe moc sâcne kiocmu?
Me wiac moczi bitiñko mi raziha
fuc herâ sâcne fahareocmu?

⁶Me hae moc wena qeñ dâneme
ñic ñokac jage mi fâfâreniñmu,
me Wofunzi mi muhame

hae moc ira wiac hâhâwicne moc fuaocmu me?

⁷Jâmbomac, Wofun Anutu e kiñagñicfâc-ticne porofete
jañe dânticne sogne mi mufua-jarehuc
wiac moc mi eocmu.

⁸Laionzi owackeme mozi hâhâwic tâmiric juocmu?
Wofun Anutuzi dân mume mozi qâoma ehuc
findağdân mi muocmu?”

Samaria ñic jañere okacdân

⁹Asiria ñicwofun ficko â Aigita mârenge ñicwofun ficko
dân keczinguc musokapie mananzepien:

“Ñoge Samaria mârenge tikio tumañnenzepien,
ehuc hae mâreñ ira ojowa sâko â bâbâzâic fokac
i hone manac enzepien.”

¹⁰“Ficsanañ-ñegicko sindağ â bâbâzâic faio fefec he feengopienzi
wiac tiñne eniñte kâuc baengopien.”
Wofunte dân iñuc.

¹¹Irec Wofun Anutuzi keczinguc mukac:
“Râsi jañe hae mâreñ-ñegic orâñkeniñmu,
ehuc sacsanañ-ñegic heroc qâropierâ
ficsanañ-ñegickonec wiac fiuc roninñmu.”

¹²Wofunzi keczinguc mukac: “Lama soñañ moczi laiong mickonec lama
kike hânge jajahec â hazec ñifecne sawa roocmu, irec sâc jaha Israe ñic
Samaria mârenko juengopienzi bilañke â fofu qoruc furi sâko i sawa barâ
wiseniñmu.”

- ¹³ Anutu Tâpiri Qunqasan Wofun,
Wofun Anutu hâcne, ere dân zinguc fokac
i manarâ Jakobore kikefun mutanigke-jarenig:
¹⁴ "No Israe nig sindan-jenigte okacne bazu-jarepemu,
damej ira Bete haeo alata nerakac
i sipirickehuc alata zunge-jenig hezupe
mârenko waha qaocmu.
¹⁵ Eme no hoe damejge fic mecne, â zoan damejge fic mecne
i mâmâc heroc qâropiepemu,
ehame fic elefanje zungenezi ba eric ekicne,
â fic sâko mako gâcne i mâmâc omae-fâreocmu."
Wofunte dân inguc.

4

- "Basan mârenge bulimakao* Samaria tikio juengopien,
gone dân zi mananig!
Gone nig qarâ surigne fific bacjopaengopien,
â hapetac jaje imac-jopaengopien,
erâ gowefâc-nenig zinguc jazaengopien:
'Waij opâ bawarepie nanan!'
² Gogere hâcne Wofun Anutuzi tiri juju-ticnere erâ zinguc
mupangkewec:
Manangopien, damej moc maic-gopaocmu
ira hawicko rocjoparâ bacjopa ranigmu,
jei, zânetucfâc-nenig mâmâc rocjopa-fârenigmu.
³ Eme gone sac hawec sâc râpeo songon hufârenigmu,
ehame tunjopapie Herimog tikiopoc ranjepien."
Wofunte dân inguc.

Israe nig jaje Anuture bâbâtin gie qâsuahuc mi biankembig

- ⁴ "Bete haeo rarâ qaqatara gie zuhuckerâ banig,
Giligali haeo rarâ qaqatara bânqârânkehuc enig,
furic sâc taha bâzi-nenig rikenig,
erâ zoan jahec â moc taramê sâc
tegnec wânjenig rânenig!
⁵ Dage taha rânenig poron gorenhec rikenig,
erâ buafec faio taha râre-nenigte dân musokanig.
Israe nig gone inguc hâcne enigte
boc anac-gopaekac."
Wofunte dân inguc.
⁶ "Noni hâcne mupe hae-nenig sâc nânâ poron babasa fuame
nânâ wiac-nenig omae-fârewec,
gone ine sifu norao mi risiembig."
Wofunte dân inguc.
⁷ "Noni hâcne qa roro damejge mosa jahec â moc
juwicnao hoe sakare-jarepo.

*I Basan gokac jarege mukicne.

Ehuc mupe hae mocko hoe hewec â hae moc i mâc fowec,
ehame giegan moc i hoezi bâgunuckewec,
â giegan moc i mâc fohuc hâmo qagac ewec.

⁸ Iguc fuame hae 2 me 3 irec rune jaje hae mocko
opâ nânigte rarâ nâpie mi gapec-jopawec.

Eme ñe sifu norao mi risiembig."

Wofunte dân iguc.

⁹ "Noni mupe jacgon-ñegic zararañ zahuc hâmo qagac ewec,
ehuc nânâ â waig gie-ñegic imacke-ñarepo,
ehame nemuja â oliwa jâc wiac-ñegic i qirikiñzi nâfârewec,
ñe ine sifu norao mi risiembig."

Wofunte dân iguc.

¹⁰ "No mupe Aigita mârengo huc hâmoc fuawec,
sâc ijaha mupe ñe fua-ñarewec,
no gicmotecfâc-ñegic zikazi jopa sipiric ejarepo,
ehuc becâsicfâc-ñegic ñowac rorâ bacjopa rapo,
erâ ñe juju embig toma ira mupe
âsu fuarâ sâke-ñegicko fewec,
ñe ine sifu norao mi risiembig."

Wofunte dân iguc.

¹¹ "Anutu noni mârâc jaha Sodom â Gomora hae ima bacjofapo,
irec sâc jaha ñonder-ñegicko ima sâko bâfuapo.
Iguc egarepe ñe zockonec tucne moc rokickne irec sâc embig,
erâ sifu norao mi risiembig."
Wofunte dân iguc.

¹² "O Israe ñic, no irec hâcne wiac mukicne egarepemu,
eme iguc egarepemure ñe Anutu-ñegic nore maio
fuanigte zawienzepien."

¹³ Manangopien, tiki â mângân bâfuac-jofawec,
erâ mañ mamana biri-ticne ñic mufua-jareekac,
ehuc mume fureekac â ñafeekac,
erâ wâc mâreñ facne sâc âterâ raekac,
e Anutu Tâpiri Qunqasañ Wofun,
zâñe-ticne iguc fokac.

Mañ bâbârisiere dân jazakicne

5 O Israe kikefun, no ñogere erâ makuc bahuc dân kecziñuc mupe mananiñ:

² "Israe ñokac zegoñ e waha qawec fokac
i mocwâc mi fahareocmu,
e mâreñ-ticnao rañ foha
moczi mocwâc mi bafahareocmu."

³ Wofuŋ Anutu e dâŋ kecziŋuc muwec:

“Hae mockonec ŋic wâŋ tausenzi zikao rarâ
gâcne sâko hâmpie nâfocne 100 sawa juniŋmu,
â hae mockonec 100 jaŋe rapie
nâfocne 10 sawa risieniŋmu;
Israe kikefuŋ ŋoŋerao iŋuc hâcne fuaocmu.”

⁴ Wofuŋ e Israe kikefuŋ ziŋuc ŋazakac hâcne:

“Ŋoŋe no wira basac enarehuc sâcne juniŋmu.

⁵ Bete ufuŋ ine moc mi iqickenzeŋieŋ,
ehuc Giligali haeo mi razinzeŋieŋ,
â Bere-Seba haeo sicne fotâc wâc mi enzeŋieŋ;
Giligali rune jaŋe kâpâcwâruo ranigmu,
â Bete ufuŋzi siroweocmu hâcne.”

⁶ Ŋoŋe Wofuŋ wira basac ecnehuc sâcne juniŋmu,

iŋuc mi epie ine Wofuŋzi mume
3oc fuarâ Josefere kikefuŋ, Israe kikefuŋ hâcne zacŋopaocmu,
ehame moczi moc sâcne mi qâhâpooocmu.

⁷ Jei, ŋoŋe mumutiŋ dâŋ bârisiepie dâŋ hâtâne eekac,
â tiŋne juju i behe qaisoc ecneengopieŋ!

⁸ Bâpiŋ zâŋe-ŋeŋic demen qafâc â bobiri bâfuac-jopawec,
erâ dapâc qisiricte mume hae furic baekac,
â 3oaŋ tatamac herisieme hae ŋafeekac,
erâ hâwec opâne wiracneme
mâreŋte faio qaratiewec fokac,
e zâŋe-ticne Wofuŋ hâcne.

⁹ Eki hâcne mume ŋic tâpirihac jaŋe sisipiric ututuŋ fua-jareekac,
ehame ficsanaŋ wiac ima bajarepie omaeekac.

¹⁰ Hae 3oŋao ŋehuc mumutiŋ gie baengopieŋ

jaŋe râsi ejareengopieŋ,
â dâŋ fâri qizecne muengopieŋ
jaŋe qaisoc-jopaengopieŋ.

¹¹ Ŋoŋe ŋic qarâ suriŋne ro waha âte ejarehuc
padi jacŋoŋ-ŋeŋic i takisire biŋe muhuc jowac roengopieŋte
qânâ fasaekicnezi fic bambiŋ ira ŋeŋe juju mi enzeŋieŋ;
erâ waiŋ gie bianne he sarac embiŋ
i fârine fuame opâne mi nânzeŋieŋ.

¹² No manakopac, qaŋatara-ŋeŋic i guru sâko,
â kiŋŋeŋic i bocjaha;
ŋoŋe ŋic tiŋne fific guguriŋ ejareengopieŋ,
â bâbâmiriŋ moneŋ rohuc dâŋgieo
hapetac jaŋere dâŋ muhasickeengopieŋ.

¹³ Damiŋ zi ŋemâcne,
irec maŋqârâŋheczzi damen iŋucnao niniŋkerâ juzac.

¹⁴ Ñonge sâqocnere mâcne, biangnere henzirîngnehuc junzepeien,
 iguc ehuc junîngmu,
 eme Anutu Tâpiri Qunqasaj Wofun eki mumbig
 irec sâcko ñongehec juocmu.

¹⁵ Ñonge sâqocne qaisockehuc biangnere enarezejec,
 ehuc hae zongao ñic jangere dân muhuc
 mumutîg gie bâhâmonzepeien.
 Iguc epie Anutu Tâpiri Qunqasaj Wofun e
 Josefere kikefun nâfocne akic-jopaocmu mecne.

¹⁶ Irec Anutu Tâpiri Qunqasaj Wofun eki hâcne zînguc mukac:
 "Hae zonga sâc ki songân fuaocmu,
 â hae hata sâc dân zînguc muhuc kio wâwâsic enîngmu:
 'Jei, jei!'
 Hesarac ñic jage ki mamakuc enîgte hefârec-jopanîngmu,
 â ki songânge funge mamana jage kigae henîgte
 jazapie fisinîngmu.

¹⁷ Eme waig gie forakac sâc ira ki songân enîngmu wâc;
 no ñondeñ-ñejicko fotâcne rapemu,
 irec wiac i fua raocmu."
 Wofunge dân iguc.

¹⁸ Jei ñonge, Wofun dameñ-ticnere manhâhân enareekac!
 Wofunge dameñzi wemo wiac moc bâfua-ñareocmu?
 Dameñ izi tatamac mâcne,
 dapâc bâfua-ñareocmu hâcne.

¹⁹ Ñic moc e laionge wisehame
 qowi mimicne moc zângene bea eki bâfuaocmu,
 me ficko ferâ meticnezi sâpeo bâsignehame
 homazi kiocmu, irec sâc jaha fua-ñareocmu.

²⁰ Jâmbomac, Wofunge dameñ i tatamac aricne,
 dapâcnehec fuaocmu,
 dapâc qisiric fuame
 zoan zâzirîng-ticne basanîngmu hâcne.

²¹ "No homban wiac-ñejic qaisockehuc hone suggîng ecneekopac,
 â homban tutuman-ñejicte mi anacnuekac.

²² Qowi bâzi me taha bâzi rike-narepie
 sifu manape mi biangkeocmu,
 â bulimakaofâc-ñejic biuc sâkohec i
 taha bâzire rike-narepie hone takirepemu wâc.

²³ Gae-ñejicte fânân i mai-naneo omaezejec,
 â wongân fânân-ñejic manazore takicnuekac.

²⁴ Mumutîg dânzi ine opâ fusinehec igucne rahuc fozejec,
 â tîgne jujuzi ine opâ fifisine igucne fohuc juzejec.

²⁵ "Israe kikefun, ñonge jara 40 sâko mâreñ sawao juhuc qowi bâzi me
 taha bâzi moc rike-nare jumbier me? ²⁶ Ñonge nemu-ñejic Sakutu â bâpiñ
 nemu-ñejic Kaiwan jahere hawari ba akic erâ bacjofa juengopien. ²⁷ Eme
 no irec hâcne Damasko hae ocnîgucnao kâpâcwâru ficko râec-ñopape

junzepien.” Wofun, zâgene Anutu Tâpîri Qunqasan Wofun e iguc mukac.

Israe ȝic sisipiric fua-jareocmu

6

“Jei, ȝicne ȝicne micne bajareengopien,
ȝicguru i jaȝere fekiefâc ȝoȝe!

Jei, ȝoȝe Zioȝ hao maȝbahac fâfâsâc juengopien,
â Samaria tikio mana mezac tâmiric ȝehapie
Israe kikefun jaȝe fua-ȝareengopien!

²ȝoȝe Kalene hao ra honenzepien,
erâ ireȝnec Hamati hao ranzepien,
izi Filisa mârenȝo Gati hao hurâ honenzepien!
Jaȝe ȝicguru zi moc siric-jopahuc bianȝe juengopien?
Me jaȝere mârenzi ȝoȝere jâuruhuc qaratiwec fokac me?

³Oi ȝoȝe, zârâ hârîȝ damenȝ mana suahuc
sisipiric â bâbâzâic i fârepie fisiekac.

⁴“Jei, elefanȝe zȝenezi fofu-jenȝic ba eric ekicnao foengopien,
â ȝene-jenȝic sâc otec foengopien,
ehuc lama guruonec motecne rorâ hezu rike nâc eengopien,
â bulimakao motecne i fickonec rorâ qa nâc eengopien!

⁵Jei, wongân qahuc gae wewepâ wiac eengopien,
â Dawidi sâckehuc musi wiac bâfuaengopien!

⁶Jei, jaȝe râqâc sâkoonec waiȝ opâ nâengopien,
â sahaȝ-jenȝicko wokemaȝ âsu bianȝ ruaengopien,
ehuc Josefere kikefunfâc sipirickehapie
mana mezac mi ejareengopien!

⁷Jaȝe irec hâcne kâpâcwârû ȝic bânie-jarepie
kâpâcwârû ficko ranzepien,
ehame fofu-jenȝicko otec fohuc
ojowa kosa qaengopien i omaezeȝec.”

⁸Anutu Tâpîri Qunqasan Wofunzi mukac,
Wofun Anutu e jahacnao qetickehuc zîȝuc mupanȝewec:
“No Jakobo maȝ fefe-ticnere manape tatakiecne eekac,
â ficsanaȝ-ticne qaisockehuc hae â magnaȝ
wiac forakac i râpecke-fârekopac.”

⁹Eme fic mocko ȝic nâfocne 10 juniȝmuo jaȝe sîfu hâmonzepien wâc.

¹⁰Eme ȝic hâmokicne mocte soctofazi qânqân duckeocte fickonec bawa-
hahuc fic tuturuȝnao moc ȝeocmu e zîȝuc wioċneocmu: “Gohec moczi
moc jukac me?” Mume muocmu: “Aricne”; ehuc zuhuckerâ muocmu: “Dâȝ
behec, zi Wofunȝe zâȝe mumune mi ekac.”

¹¹Irec mananiȝ: Wofunzi mume
ficȝenȝic kâcȝene mecne,
piticne mecne i mâmâc heroc qâropienîȝmu.

¹²Becâsîc jaȝe haroȝaȝ faio sâcne gasackeniȝmu?
Me bulimakao jaȝe mârenȝ bâbâfâuc sâȝe fârepie
hâwec sâcne nâfâuckeocmu me?

Ŋoŋe ine mumutiŋ dâŋ bârisiepie
 qotâre micopâ tinac ewec,
 â tiŋne jujure fârine bârisiepie
 kegocjâcte hâtâ iŋucne ewec.

¹³ Ŋoŋe wiac fâri tâmiric irec zeri engopienzi
 penaronŋ ehuc muengopienŋ:
 “Nâŋe nânâcne tâpirio siŋkehuc sananŋkembenŋ.”

¹⁴ “O Israe kikefuŋ, ŋoŋe mananiŋ:
 No ŋicguru moc ejarepe râsi eŋarenzepienŋ,
 eme jaŋe Hamati hae ramicnao ira fuŋkerâ
 fific guguriŋ eŋare rakupie
 Araba wânente opâwâcko tarazejec.”
 Anutu Tâpiri Quŋqasaŋ Wofuŋ e iŋuc mukac.

Sisipiricte hawari jahec â moc fuame honewec

7 Wofuŋ Anutu e maŋko fuac enarerâ wiac kecziŋuc nowatume
 honepo: Kecqan zorakicne i ŋicwofuŋte biŋe bâtâcnepie zâhec tucne
 âke sueme Wofuŋzi mume hâpic fuŋmoc guru sâko fuambig. ² Eme hâpic
 i jaŋe mâreŋ irec kecqan i nâmiziehapie honerâ mupo:

“O Wofuŋ Anutu, go Jakobore kikefuŋ kiŋjenŋic
 behe-jarecmurâ numu-garekopac.

Jaŋe wemocko moc sananŋkerâ juniŋmu?

Jaŋe guru pitic sawa i!”

³ Eme Wofuŋ e irec busâqoc manahuc maŋne risieme
 ziŋuc muwec: “Wiac i mi fuazejec.”

⁴ Eme Wofuŋ Anutu e wiac kecziŋuc nowatume honepo: Wofuŋ Anutu e
 okac babazu gie baocte mume zoc luarâ mâreŋmaŋko opâ zâkerenŋewec â
 giegaŋ wiac-jeŋic forawec i zâsenŋke-fârewec wâc. ⁵ Iŋuc fuame honerâ
 mupo:

“O Wofuŋ Anutu, go wiac i behecmurâ numu-garekopac.

Jakobore kikefuŋ jaŋe wemocko sananŋkerâ juniŋmu?

Jaŋe guru pitic sawa i!”

⁶ Eme Wofuŋ e irec busâqoc manahuc maŋne risieme
 ziŋuc muwec: “Wiac i wâc mi fuazejec.”

Wofuŋ Anuture dâŋ iŋuc.

⁷ Eme Wofuŋ e wiac kecziŋuc nowatume honepo: Wofuŋ e qânâsac
 dândâŋne bakicne irec fainao domahuc mucsâc moc râeme wahawec.

⁸ Iŋuc erâ Wofuŋzi ziŋuc wio-narewec: “Amosi, go wemo wiac honeko-
 mec?” Wiome mupo: “No mucsâc moc honekopac.” Eme Wofuŋzi muwec:

“Manakic, no Israe ŋicfâc-nane jaŋere ŋondenŋko

mucsâc moc râekopac;

no mocwâc jowaruhuc mi akic-jopapemu.

⁹ No Isakare nemu bâzi ririkere furu mâreŋ ima bapemu,

â Israe qânŋfic wiac-jeŋic hetâtiepemu,

ehuc Jeroboam kikefuŋfâcne jaŋe râsi ejarehuc zikazi jopapemu.”

Amosi â Amazia jahere dân

¹⁰Eme Bete haeonec taha bapa Amazia e Israe ñic jagere ñicwofuñ Jeroboamtao dân zĩguc rãeme rawec: “Amosi e Israe ñic ñonder-ñãgecko juhuc go rãsi egarehuc ñic mañbãñ ejareekac, eme maren rune jage dân-ticnere manapie boc ñemãckeekac. ¹¹Amosi e zĩguc hãcne muekac:

‘Jeroboam e zikao hãmoocmu,
â rãsi jage Israe ñic maren-jenickonec rocjoparã
kãpãcwãruo bacjopa ranĩmu.’”

¹²Erã Amazia e Amosi zĩguc âzãcnewec: “O porofete, go Juda marenko wiserã razemec, erã ira findandãñ muhuc nãñãge bãfuazemec. ¹³Bete haeo ine porofete dân mocwãc mi muzemec, hae zi ñicwofuñte furu hae, uucmañ-ticnere furu ufuñ hãcne.”

¹⁴Iguc mume Amosi e Amazia dân zĩguc muhuc bãtikiecnec: “No porofete aricne, â porofete mocte qãjãpec wãc aricne, no lama bulimakao sona, erã jãambojãc irec gie bahuc juekopac. ¹⁵Wofuñzi ine qowi sona gieonec rocnurã zĩguc nazawec: ‘Go rarã Israe ñicgurufãc-nane findandãñ jazazemec.’

¹⁶“Irec zi Wofuñte dân manac.
Go Israere ñicfãc, Isakare kikefuñ hãcne,
jage porofete dân mi jazapemurã
â uñ sawa mi ejarepemurã nazakomec.

¹⁷Irec Wofuñzi kecziñguc mukac:
‘Ñonãngezi haeo boe sau gie bahuc juocmu,
â otã ñokãfãcge jage zikao hãmonĩmu,
erã marenge i mucsãc fãrehuc bãtãc banĩmu;
gahacne ine qãpuc marenko hãmocmu,
erã Israe ñic jage maren-jenickonec rocjoparã
kãpãcwãruo bacjopa rajãmbãñkenĩmu.’”

Sisipiricte hawari moc fuame honewec

8 Wofuñ Anutuzi wiac kecziñguc nowatuwec: Sasac mocko jãchãndãñ quecne ñeme honepo. ²Eha zĩguc wio-narewec: “Amosi, go wemo wiac honekomec?” Mume mupo: “No sasac mocko jãchãndãñ quecne ñeme honekopac.” Eme Wofuñzi zĩguc nazawec:

“Israe ñicgurufãc-nane jage dameñ qosackekac hãcne,
irec no mocwãc jowaruhuc mi akic-jopapemu.

³Ñokac naru ñicwofuñte ufũko gae heengopien
jage dameñ ira kio uu enĩmu,
ehame qãñqãñ bocjaha fuame
ira me ira kosa beheç-jopapie
niniñ siarereng fuarã foocmu.”
Wofuñ Anuture dân iguc.

⁴Ñic hapetac ro waha âte ejareengopien,
â maren zirec ñic qarã suriñe sipiric-jopaengopien

ņeņe dāņ zi mananiņ.

⁵ Ņeņe ziņuc muhuc wiac i eengopienj hācne:

“Mosa qāricne wahaekac

irec hombaņ i wezimucko tarame

padi jacgoņ wiac furi bapa fuaocmu?

Me sabata hombaņ ņeņe i mo dameņko tarame

padi rowaņfichte motāc ronaņmu,

ehuc padi sācticne bawahahuc furi-ticne fehuc ronaņmu,

ā sigeli bāsifuckerā ņic eatuc-jopanaņmu?

⁶ Erā ņic qarā suriņne jaņe siliwazi furi bacjopanaņmu,

ā hapetac jaņe kikehuhu jajaheczi furi-jeņic banaņmu,

erā padi jawane rāehuc moneņ jaha ronaņmu?”

⁷ Jakobore kikefuņ jaņe Wofuņte manapie feha

Wofuņ e jahacnao qetickehuc ziņuc mupaņkewec:

“No eebapa-jeņicte moc mi nīkecnu-jāmbāņkeocmu.

⁸ Māreņ e wiac iņucnere erā mi qiqiteckeocmu me?

Ā ņecjućfāc-ticne jaņe ki busāqoc mi enigmu me?

Me Nilu opā sākozi siwiņnerā feku mocwāc fāre wahaekac

irec sāc māreņzi huhuckerā feku mi uruņkerā huocmu me?”

⁹ Wofuņzi kecziņuc mukac:

“Eme no dameņ ira zoaņ ecnepe guņpiticko gāpāreme

māreņ i zoaņ qaqackoa dapāc eocmu.

¹⁰ No zeri hombaņ-jeņic hetikiepe

busāqoc hombaņ eocmu,

ā zeri gae-jeņic hetikiepe

ki makuc gae efāreocmu.

No mateņ qonaņke-ņare-fārepemu ā mupe

ņic sasawa jaņe qizec-jeņic ropie

utu pārāc fua-fāreocmu.

Ki mamakuc fuaocmu,

i motec mocsākoazi juku hāmome

ki mamakuc fuaekac irec sāc.

Zoaņ irec tataranao busāqoczi ņemāckerā hātāne eocmu.”

¹¹ Wofuņ Anutuzi ziņuc mukac:

“Manangopienj, dameņ moc maickeocmu

ira mupe roroc fuaocmu,

erā i nānā opā jahere roroc aricne,

Wofuņ dāņticnere roroc fuame

mananiņte eipieniņmu.

¹² Jaņe hāwec ņifeckoneczi hāwec ņifecko,

ā māreņ faickonec zoaņ wewefunao rahuc doņaniņmu,

ehuc Wofuņte dāņ bāfuaņiņte

rac warec ehuc basa-biپieniņmu.

¹³ “Dameņ ira naru zeņoņ sahac hawari biaņ,

ā motec zeņoņ jaņe opāre hāmohuc

marac-jeņic kereņkeme rādiņkeniņmu.

- ¹⁴ Eme 'Daŋ, go nemuge jujâmbâŋkekac'
erâ 'Bere-Seba hae, go joroc nemuge jujâmbâŋkekac,'
iŋuc muhuc Samariare nemu ŋokac zâŋene Asima
erao qetickehuc dâŋ mupaŋkeengopienzi
waha jopame mocwâc mi faharenzeŋien."

Amosi e hawari moc fuame honewec

9 Wofuŋ e alata fuŋnao domahame honepe ziŋuc muwec:

- "Go bupu wâtuf qataratec fic bupunezi waharâ ŋic ŋemac-jopazejec,
eme nâfocne juniŋmu jaŋe zikazi qâmiziec-jopapemu;
ehame jaŋeraonec moczi saha-cicne ŋezickehuc mi wiseocmu.
- ² "Jaŋe hâmokicne jaŋere haeo hupie muzac
no sifu rocjopazapo,
me sambâŋko fepie muzac
sifu fârec-jopape wahanzapiŋ.
- ³ Jaŋe Karamele tikio ferâ soŋkepie muzac
no sifu bâfuac-joparâ rocjopazapo,
me mai-naneonec wiserâ hâwec fâhâŋnao hurâ soŋkepie muzac
no mupe hâwec homazi kicjopazac.
- ⁴ Me râsifâc-ŋeŋic jaŋe jâpec-jopapie
kâpâcwâru ficko rapie muzac
no sifu mupe zikare nânâ enzapiŋ;
no biaŋkeniŋte mâcne,
sipirickeniŋte zâŋe zârâ honec-jopakopac."
- ⁵ Anutu Tâpiri Quŋqasaŋ Wofuŋzi mâreŋ bâuwame dockeme
ŋecjucfâc-ticne jaŋe makuc baniŋmu,
ehame Nilu opâ sâkozi siwiŋnerâ feku mocwâc fâre wahaekac
irec sâc mâreŋzi huhuckerâ feku uruŋkerâ huocmu.
- ⁶ Mâreŋ fainao mume sambâŋzi uuŋne bawec fokac,
â irec fainao erific-ticne magne magne râe rawec,
erâ hâwec opâne wiracnehuc mume
mâreŋte faio qaratiewec fokac,
e zâŋe-ticne Wofuŋ hâcne.
- ⁷ Wofuŋzi dâŋ kecziŋuc mukac:
"O Israe ŋicbureŋ, no honec-ŋopape
Etiopia ŋic jaŋe iŋucne mi engopien me?
No Israe ŋic apafâc-ŋeŋic jaŋe Aigita mâreŋkonec
mi jowac-jopa warepo me?
Me Filisa ŋic jaŋe Kafatori* nuckonec,
â Siria ŋic jaŋe Kiri** mâreŋkonec
wâc mi jowac-jopa warepo me?
- ⁸ Manangopien, Wofuŋ Anutu e ŋicwofuŋ â ŋicfâc-ticne
jaŋe hehesic bâfuambiŋte

*I Kreta nucte mukicne mecne.

**I zoaŋ wewefunao mâreŋ moc.

zâŋe bâbâronġ honec-jopahuc zîŋuc mukac:

No mârenġkonec bâsirowec-jopapemu.

Mocjaha, Jakobore kikefuġ jaġe ine zenggoma mi bâsirowec-jopa-
-fârepemu.”

Wofunġe dâŋ iŋuc.

⁹“Mananggopienġ, no zîŋuc epemurâ mupaŋkekopac:

No Israe ġic jaġe ġicne ġicne jaġere ġonderġko ba ikisiŋ
ejarepemu,

i saja sâko ba ikisiŋ eħapie

padi fârine mârenġko mi wahaekac irec sâc ejarepemu.

¹⁰ Ġicfâc-nane jaġere ġonderġko sâqocne bapa juenggopienġ

jaġe zikazi nâmiziec-jopa-fârezejeġ,

jaġe dâŋ zîŋuc muenggopienġ hâcne:

‘Sisipiriczi nâġe maic-nâporâ mi rocnâpoocmu.’

¹¹“No dameŋ ira Dawidire boze tâcne zaŋ ekicne

i mocwâc heqârehuc zenġkepemu,

â hetâtiekicne i mocwâc bâpiaŋkepemu,

eme mârâc jaha ġewec

irec sâc jaha bape ġeocmu hâcne.

¹² Eme jaġe Edomġic nâfocne mecne,

â ġicne ġicne zâġe-nane bajuenggopienġ jaġe mâmâc
rauc-jopanzenġienġ.”

Wofuŋ e wiac i eocmu ere dâŋ iŋuc.

¹³ Wofunzi kecziŋuc mukac:

“Mananggopienġ, dameŋ moc maickeocmu

ira qa roro ġic e ġie-ticne bahuc juhame jaha

hesarac ġiczi fisiocmu,

â waiŋ hândâġne âte pisickehuc juħapie jaha

ġâcnezi hesarac ġie baniġte fisiniġmu;

ehame tikio waiŋ fusucmarâ foocmu

â mârenġ facne facne ira fârine bocjaha fuaocmu.

¹⁴ Eme no mupe Israe ġicgurufâc-nane

jaġere jujuhâmo mocwâc fua-jaezejeġ,

eme jaġe hae-jeġic sesucne sesucne heqârerâ

bâpiaŋkehuc maġnao ġec juc enzenġienġ,

ehuc waiŋ ġie bapie fârine fuame

opâne nâhuc junzenġienġ,

â ġie wiac ġâcne he sarac erâ

fârine nâhuc junzenġienġ wâc.

¹⁵ Eme no mârenġ-jeġicko sarac-jopape junzenġienġ,

eme mârenġ tahac-jopapo irecnec mocwâc mi unuc-jopanzenġienġ.”

Wofuŋ Anutu-ġenġiczi iŋuc mukac.